

密庵卮言

卮言自序

敦牂之歲春將暮予衡 命入楚問言于
礪石舒子請益焉舒子無應予懼失問明
日以自警十則見示予讀之其言肆而近
其旨遠而文如云世道枯于爲我轉思兼
愛近仁學術塞于圓通偏疑固陋近智殆
名言也比至酉陽揭之壁如覲良友退食

之暇時綴一二言以自參證。久之滿百。又
簡舊錄格言警訓。合之得一百六十則。比
千金之裘。似乎續貂。擬中流之壺。未能舍
筏。且命之曰卮言。卮言者。日出而與舒子
和也。言則齊。不言則不齊。予惡乎知齊之
所以然。惡乎知不齊之所以不然。雖然。言
約已者。正言也。言達生者。寓言也。言學道

者暖一姝二之言也。言經世者。詹三之言也。述先正者。耆艾之已言也。以人道先人故重言也。予未嘗學一先生之言。自以爲足。然而道仁智于碣石子之前。猶嗃管也。談道衡于至人之前。猶呖劍也。予又惡乎以卮言言之。夫意於上下四方無有窮。意無窮而言無窮也。言之不足以盡道。不言

不足以盡物。無道亦無物。無物亦無道。道
物之極。非言非默。是故終始如環。莫得其
倫者。碣石子之言也。手一卮以飲於河。滿
腹焉而私自悅者。密居士之言也。嗟乎五
石之樽。注焉而不盈。一卮之飲。酌焉而不
虛。河伯向若之見。亦若此矣。而况于大海
乎。予埒井之鼃也。而惡足與聞。極妙之言。

游大方之門。然則信而不言可乎。夫信而
不言。與不言而信者。似之而非也。言之將
以有爲也。人不信於言。而信於爲。信於爲
者。不言之言也。至人言無言。爲無爲。終日
言而未嘗言。非不言也。終身爲而未始爲。
非不爲也。言與爲。將以輔萬物之自然。而
孰識夫所以然。又孰識夫所以不然。故曰。

至言去言。至爲去爲。予于碣石舒予之言。
深自警焉。

崇禎四年歲在重光協洽初夏四月八日
豫章密居士樊良樞尚默父題

男重鵬
重麟
重駒
重鑑
金鍊授梓

密菴卮言

卷之

密居士樊良樞尚默齋述

約已

事天治人莫若嗇。老氏持之。是曰三寶之總。化民成俗莫如儉。譚子用之。允爲大道之師。

福生於清約。約者亨而侈者窮。命生於和暢。和者壽而乖者亡。

樂與餌。過客止。此老氏憫世之談。故有取於安平。

泰。知與恬交相養。乃莊子養生之主。斯所貴於澹漠虛。

見在之祿。積自我祖宗。受享不可過盡。將來之福。貽與爾子孫。節約常使有餘。

晚食以當肉。安步以當車。無罪以當貴。顏觸享清靜之休。安分以養福。寬曾以養氣。省費以養財。蘇公甘淡素之味。

澹泊可明志。故醜妻惡食。是黜窮盡瘁之忠臣。

諸葛

溫飽不經心。彼畫粥斷齋。乃先憂後樂之賢相。范

山谷食時作五觀。列貪嗔癡以示戒。譚峭持身有六儉。養精氣神以化虛。

三旬九遇食。十年着一冠。陶彭澤風節不墜。百年渾得醉。一月不梳頭。杜少陵韻度可思。

殷仲堪檢盤問餘粒以誨子。曰我受任方州。何嘗豁意。毋登枝而捐其本。鄭亨仲懸壁上百錢以度日。曰吾晚年登第。稍覺快意。幾賈禍而喪其生。

楊伯起子孫蔬食步行。清白吏家聲必大。盧懷慎
宴客。菜羹蒸豆。伴食相風節可師。

杜祁公油燈一炷。清談處對客熒然。司馬公薄酒
數行。真率會娛賓足矣。

一生幾疊屐。阮空纏束半杼。敕扮五尺之軀。萬錢

無下箸。何如夢奠兩楹。供設方丈之食。

有倉卒客。無倉卒主。莫嫌蔬食菜羹。一人作飲。十
人作勞。何必包鮑鮑膾鯉。

不速客來。惟設黍飯。脫粟其何傷。非時賓至。乃烹鮮。取家釀而。易辦。

命庖人以設饌。若指麾耳。四則豎挺堪思。延上客

以開樽。苟酬獻數番。斯投轄可已。

豎挺范諷吏事

醉裏貪更貪。飲醇醪八斗。醒時常負餘慚。飽後味無味。過饑寧_至食。消化竟成何物。

性命於物甚切。苟無知而投羅觸網。定是上帝

所憐。滋味在我可輕。若一饌而炮烙烹煎。豈繫仁

人所忍。

麒麟至仁。雖有生之草不踐。騶虞欲食。非自死之物不餐。

甚愛必大費。

老

彼居以華屋。侍以美姬者。究竟性

命何益。多藏必厚亡。

老

惟度形而衣。量腹而受者。

寢處寔夢亦安。

有淑柔之姿。荆苧可以行婦道。何必綺組文繡。致賓主之敬。鷄黍可以當大享。不在鐘鼓笙簧。

以我之有量。學仲尼之無量。故不爲酒困。以我之不可。學柳下惠之可。故毋作色荒。

不入季女之室。銅雀妓比羊叔子何預人事。勿登變童之床。前夷泣笑龍陽君爲甚關情。

家本農桑。雖宦達。當記得先人橫風沐雨。世守耕讀。縱富貴。莫忘却平日淡飯黃羹。

吾本薄福人。常行厚德事。則五服六親。盡倫在我。吾本薄德人。常存惜福心。卽一羹半菽。聽命由天。

祖宗未謀風水而生我。我侵鄉里何爲。吾父不積
金錢以貽我。我愚子孫奚忍。碣石

早韭晚菘書几前。饒却菜根滋味。白鹽赤米山麤
下。也知鹹淡堪嘗。

神酣布被窩中。得天地冲和之氣。味足藜羹飯後。
識人生澹泊之真。

飽肥其衣輕煖而不知節者。天損其福。廣積聚耽
富貴而不知止者。人害其身。

密菴卮言

卷之二

密居士樊良樞尚默甫述

達生

四十年頭臚可知。但衣敝縕袍終身。也覺太虛浩
浩。一百年光陰有幾。造短布單衣至髡。何問長夜
漫漫。

只看得眼前員滿。從古來有缺陷世界。但心中放
得寬平。普天下無險仄人情。

慾海無邊。填七尺於羶滯。何不舉頭看落日。塵心
難掃。耗五官於管筭。豈知過眼卽浮雲。

欲火熾而意熾炎。但念及苦病時。興似寒灰。利
飴甘而心津汨。每想到盡頭處。味如嚼蠟。

指終南爲捷徑。賤丈夫壟斷先登。徒增子弟之業。
障走冀北若康莊。彼良人墻間行乞。祇貽妻妾之
訕羞。

燕飲酣時。每不醉無歸。笑貪夫沉身苦海。是歌沸

處便寂然長往。嘆達士撒手懸崖。

世短意恒多。陶爭知百歲不百歲。杜彥之地偏心有

遠。

陶

得飲數杯還數杯。

張翥

機息時。有皓月閒雲。不必苦海塵世。心遠處。無車
聲馬跡。何須痼疾丘山。

處身猷畝之中。山不在高。水不在深。一室自安容。
膝具眼。乾坤之內。日明於晝。月明於夜。百年儘豁。
靈襟。

揮五絃而目送孤鴻。欲令衆山皆響。登高臺而坐。
臨曲水。便覺萬里爲遙。

茶熟香清。有客到門可喜。鳥啼花落。無人獨坐。悠
然。

詩思在灞橋驢背上。微吟處。林岫便已浩然。野懷
繞鏡湖魚水中。獨往時。山川自相映發。

澹然於世。處柴門草閣。何所稍嚴。偶爾同人。話山
月溪風。亦極有會。

羅敬叔

會心不遠。清池上。林水翳然。便作濠濮間想。簡開

卷有得。北窓下。涼風暫至。自謂羲皇上人。陶

五漿先饋。畏人知。鬧市中。殊覺意長世短。三徑就荒。無客到人境外。自然心遠地偏。

會心處。今日雅懷。自可載酒長往。知音人。明朝有意。不厭挹琴重來。

寵辱不驚。看庭前花開花謝。只此去住無意。任天外雲卷雲舒。

千載數行書。烏皮几上成何事。卽時一杯酒。折腳
鐺中過此生。

當露曉霜天。啜一甌苦茗。心境便爾清徹。賞春風
秋月。飲數杯淡酒。意味亦自冲融。

鄙吝一消。白雲亦可贈客。澄滓盡化。明月自來照
人。

興盡歸來。如谷口春殘。始憐幽竹。山窓下。
起錢夜行
不止。似長堤日暮。逢人更問。何前程。
張翥

天意憐予。紫門流水依然在。韓春風欺我。就床吹

落讀殘書。能

寵辱若驚。莫向尊前奏花落。李風波如此。十里江

湖罷釣絲。唐

徜徉於山林泉石之間。塵心漸息。夷猶於詩書圖
史之內。俗氣潛消。

興迫時來。芳草中步屨閒行。野鳥忘機。堪作伴。景
與心會。落花下披襟兀坐。白雲無語。謾相留。

不覺知有我。安知物爲貴。陶元亮所以達生。世路
雖多梗。吾生亦有涯。杜子美所以忘物。

奔走紅塵。則心忙意迫。看兔走烏飛。百年不及一
瞬。優游青史。則念息機閒。聽鷄談鶴語。一日可當
千秋。

少年識事淺。不知交道難。唐體十言。銷磨許多壯
氣。衰年不敢恨。多病也身輕。杜味二語。放開無限
老懷。

密菴卮言

卷之三

密居士樊良樞尚默甫述

學道

道生一。一生二。二生三。三生萬物。萬物同歸大道。
老虛化神。神化炁。炁化精。精化衆形。衆形還合太
虛。譚子

默坐澄心。覺妄窮而真獨露。靜夜時。大有懸解。返
歸內照。覺性現而氣常清。平旦候。卽是真參。

見活潑二心。眼底是鳶飛魚躍。悟常惺二法。箇中有龍見雷聲。

堯舜千年心在。十六字獨得其樞。允執中而已盡。孔顏百世人師。七十子誰入其室。惟約禮其庶幾。志伊尹之志。使先知覺後知。手揭唐虞開白日。學顏子之學。不遷怒。不貳過。眼看富貴是浮雲。智者自知。仁者自愛。顏子明內外賓主之辨。以德服人。以善養人。孟氏嚴王伯誠僞之防。

我愛其靜。寤寐交揮。陶元亮見魯黜春風大意。我
求至樂。千載無有。蘇子瞻識顏淵性地風光。
得知千載外。正賴古人書。陶寤寐三皇可到。鼎
百年內。持此欲何成。陶悠游彼岸難登。
易六十四卦。全歸逆數。須識闔戶之坤。詩三百六
篇。摠發寤思。方知止所之良。

日往則月來。月往則日來。易坎離既濟功。須定。詩拙
闔戶謂之坤。闢戶謂之乾。易亥子中間得最真。白

江山如有待。花柳自無私。是物與无妄之正性。寂春將晚。欣二物自私。乃因物付物之道情。西角社飲食起居得罪。天地時十常八九。子臣弟友可對。聖賢處百無二三。吳君章

白日青天無大過。在閭室衾影不欺。光風霽月可同人。與朋儕詠歌共適。

絕學無憂。洗得俗情清。賢關不遠。爲道日損。滅却物累盡。聖境可躋。老子學道

動而無動。靜而無靜。周子之幾。是希聖希天之主
宰。心普無心。情順無情。程子之定。有忘內忘外之
工夫。

藏而後發。形而斯存。陳公甫深之又深。遊乎廣漠
之野。照心非動。無妄無照。王伯安玄之又玄。出於
衆妙之門。

薛文清盡精微而道中庸。學以復性爲本。王文成
致廣大而極高明。功以致知爲先。

文清復正性。卽工夫是本體。有白沙之致虛。而大本立。陽明致良知。卽本體是工夫。有吉州之客實。而妙用存。

忙裏習閑。薛河津先何閑時。討個欄柄。閑中取靜。陳江門還從靜極。養出端倪。

天何言哉。春雨一簾。芳草潤。吾無隱爾。秋風滿院。木犀香。

堦前草色時侵几。不管落盡春華。林下松陰自著。

叢且喜坐殘秋月。

是非都謝。任耳根。颺谷投響。過去不留。物我兩忘。
處心境。月池流影。空色無着。

名心未化。對妻孥。便爾矜莊。隱裏無私。卽夢寐自
家清楚。

得意常獨笑。箇中清味。少人知。無聲與誰言。山外
白雲堪自悅。

不見黃叔度。鄙吝之心復萌。

陳蕃

何不蕩之以長風。

一識元紫芝。名利之懷頓盡。奚必洗之以流水。

水流心不競。雲在意俱遲。杜得處喧常寂之趣。行

到水窮處。坐看雲起時。王悟出有入無之機。

雨中山果落。燈下草蟲鳴。想摩詰千秋逸韻。月何

懷中照。風來面上吹。憶堯夫萬古人豪。

纔登筏。便能舍筏。方是第一乘人。若騎驢。又復覓

驢。終屬不了鈍漢。

繩鋸木斷。泉滴石穿。學道者。須知力索。水到渠成。

瓜熟蒂落。得道者。一任天機。

學世間法。如舜。玄文穆。人倫不知者。其德隱。出世間法。如孔。密禪定。鬼神莫測者。其道深。本是文元問堯舜之心。其心安在。揆之百世之上。百世之下。而此心同。此理同。更無上下。今古。尋孔顏之樂。所樂何事。求之未發之前。已發之後。而動亦定。靜亦定。豈有前後始終。

讀虞夏商周之書。期與古人尚友。克視聽言動之

已識得天下歸仁。

聖人以此洗心。退藏于密。尼父括一卷心經。君子於斯內省。無惡于志。子思盡一部中說。

欲養慧。先持戒。故抱一以常靜。自然虛而生明。欲養神。先寶精。故握固以常存。久之密而不漏。

省言方事簡。寡欲覺身輕。學入世出世之法。簡緣人事少。多病道心生。悟無去無住之真。

爲已有實際。

備

立德貴清真。

太白

密菴卮言 卷之四

密居士樊良樞尚默甫述

經世

官不必尊顯。期於無負。君親道不論大行。要之
有裨民物。吳君章

意遠官無冷。常思一部生靈。心閒境自寬。別有滿
腔造化。

作人如此。自可不富貴。禍患從何而來。張子臺鵬

中別有天地。一命之士。存心於愛物。於人必有所濟。程伯淳方寸總是泰和。

以真境言。萬物皆吾一體。認得真。纔可任天下之負擔。以幻迹觀。四體亦屬委形。看得破。始可脫世間之牢籠。

釀及時之雲雨。方稱九二見龍。修用世之務儀。乃占上九鴻漸。碯石

進德修業欲及時。龍見雲雨之田。而德施普。深耕

易耨以暇日。麟畜禮義之圃。而家國肥。

上易下礼

宰相任事以膽勝。當置身利害之外。諫官論事以識先。當設身利害之中。

處事要得大體。當觀古賢相傳以老吾識。任事要決大計。當觀古名將傳以壯吾膽。

我好靜。民自正。

老

曹平陽獄市勿擾。端居而齊國

大治。我無欲。民自樸。

老

汲長孺私鑄不禁。安卧而

淮陽政清。

救荒無奇策。止辦一片真心。催科無善征。湏要十分潔已。

救荒者。必安富而後能賑窮。攤稅者。惟寬商而始能足國。

安富出周礼

法無古今。用之而便民者。是良法。言無貴賤。體之而切已者。是藥言。

着手時。先圖放手。子房脫履虎之危機。進步處。便思退步。長源免觸羊之禍穽。

知及仁守莊蒞動必以禮信友獲上治民身致不

誠予初令揚子協恭堂

善待問者如叩鐘叩之以大大應叩之以小小應

禮記措天下者如置器置之於安則安置之於危則

危賈生

風塵三尺劍社稷一戎衣杜明主初開天之業天

地日流血朝廷誰請纓杜孤臣懷夾日之忠

受諫無今日臨危憶古人杜悵霸圖之已矣陳萬

事已黃髮殘。在隨白鷗。杜嘆浮名安在哉。杜

不眠憂戰伐。無力正乾坤。杜拾遺中流擊楫。知子
不能薦。羞稱獻納臣。王右丞河水伐檀。

芹泥隨燕嘴。花葉上蜂鬚。杜几席前無非生意。爲

鼠常留飯。憐蛾不點燈。蘇臥室內便有經綸。

貧家淨掃地。貧女巧梳頭。蘇修已者。大器晚成。老

妻悲不入園。去婦不顧門。孔正國者。除惡務本。書

生成莫負。君親德藉歸。久之益欲報深恩。婚嫁

各隨男女緣。盡父母之心。首悖人道。

處家庭骨肉之變。宜從容。不宜激烈。固在遜出信成。聯朋友道義之交。務剴切。不務優容。雅宜忠告善道。道訓導

天下無難處之事。如之何。如之何。只消得兩頓熟思。世間無難處之人。彼人也。我人也。必須要三番自反。演呂簡叔語

世路崎嶇。徑窄處。暫退守一步兩步。人情反覆。機

動時。急讓他三分五分。

熱鬧場。着一隻冷眼。便省幾番愁腸。冷落處。施一片熱心。更饒許多生趣。

磨礪如百鍊之金。急就者。定非邃養。施爲似千鈞之弩。輕發者。必無宏功。

居安思危。宜研千慮。以防患。在亂能定。要堅百忍。以圖成。

氣魄莫使盡。強恕終身可行。名利莫貪多。知止沒

身不殆。礪石

攻人之惡。毋太嚴。藏身恕。則思其堪受。教人以善。毋過高。立言近。故使其易從。

毋忿嫉于頑。書必忍人之所不能忍。惟克勤乃事。

書斯爲人之所不能爲。

飯糲流不住。布施何如。供堂上活佛。揚白法以求福利。但湏恤部內生靈。

造化勞我生。進亦憂。退亦憂。廊廟江湖皆有事。子

孫師吾儉。貧可樂。賤可樂。榮華寵辱不關心。

上句
白沙

議論先輩。竟是沒學問之人。獎借後生。定然關世

道之寄。

朱汝蕪

聚訟於紙上。陳言何如權。

國家之利害。馳逐於

塵中竿牘。不若急黎庶之阽危。

爲大臣者。須薦得數輩人才。乃可弛乾坤之負擔。

爲處士者。須養得百年風節。方能遜烟霞之全身。

大臣薦才如諸葛武侯。婁師德。狄梁公。韓魏公。者是。高士養節如嚴子陵。徐孺子。陶元亮。者是。

密庵卮言

卷之五

密居士樊良樞尚默甫述

性理

四序有顯有藏。彼顯藏互根之妙。通卽復。復卽通。造化豈容有心。五行相生相尅。若生尅不到之處。動無動。靜無靜。萬物何與於我。

卽通卽復者。兩化也。故顯藏互根。無動無靜者。一神也。故生尅不到。

一日古今皆從識判。識盡則無古今。爾室明昧忽。

隨景移。景銷有何明昧。

精氣之幽微曰思。心每緣物忘物者。意無其意。淨
通還元而氣自熙熙。神明之茂密曰默。心能退藏
藏密者。心無其心。默識天通而神常湛湛。

鬼神顯伺人意。毋意則鬼神莫知。陰陽難奪我神。
存神故陰陽不測。

靜觀無始天地一指。萬物一馬。冥念能忘。儻忽非
生。渾沌非死。

神爲氣主。存神可以養氣。養炁是調心之法。性乃神君。見性可以毓神。毓神爲復命之原。

精藏火。炁胎水。澄元之極。則煉水爲火。得道者。遂於大明之上。入於窈冥之門。魄載地。神生天。精一之至。則融地爲天。立命者。超乎太極之先。遊乎无極之始。

精水也。而藏火。炁火也。而胎水。煉水爲火。精化炁也。融地爲天。炁化神也。

養得呼吸俱無。寂處深淵之下。踵息深深。方是龍

潛學到識想淨盡。超出世界之外。神通灝灝。纔能
虎變。

今人念念相續。前念後念。念念判箇生滅。離却當
念。別無了生。死法。每日事事交乘。小事大事。事事
偏出性靈。行所無事。纔得證性定地。

如我未生時。半字不識得。混混沌沌。此意何等透
脫。就今現前地。一刻不放過。乾乾惕惕。其中多少
精神。

半字不識得虛而無物
一刻不放過勤而有功

作念絕意。念還生意。惟不起一念。常將念所伏藏。
處。勘到徹底。窮之又窮。瞥爾風恬浪靜。將心遣欲。
心卽是欲。須不見可欲。常觀欲所芽蘖處。拔盡根。
苗。寡之又寡。渙然霧釋。冰消。
拚命提將起。這塵劫中。卽人卽天。全身放得下。此
軀殼子。可生可死。

真性要提得起。妄心要放得下。
命根莫提得起。名利要放得下。

踐耳目口鼻之形以全天性。切莫認賊作子。克視聽言動之已。以復真體。還須入主出奴。

發竅時思而無思。爲而無爲。忘我忘物。是心遊乎泰虛。歸根處泯然何思。泊然何慮。無古無今。此知通乎晝夜。

一日天下歸仁。以一切性入一性。而不礙實相。神化上下同流。以一性入一切性。而徧滿虛空。

我生而天地萬物皆生。我死而天地萬物皆死。我

不生不死。而天地萬物皆不生不死。何以故。造化
生生。皆我生故。一息覺。一息爲羲軒黃虞終身覺。
終身爲羲軒黃虞衆生覺。盡一世爲羲軒黃虞。何
以故。天命流行。皆性量故。

觀仲尼而知古今造化。不生不死。
觀伊尹而信宇宙人性。可唐可虞。

息心是聖。起心是凡。乃克念罔念之判。執見爲迷。
忘見爲悟。斯大夢大覺之閑。

名根重者。實地全虛。曷不於無名處養名。常居名

實之先生趣濃者。死關難過。何不於未死時學死。永超生死之岸。

人命只在呼吸這一點孤明。未生之始何來。既生之後何往。惟遡到天命原頭。有個實落。乃見生大死大的。欲反其真。大道不離須臾。有一綫隱微。視之不見其影。聽之不聞其聲。須靜觀未發氣象。當下識取。而後庸德庸言。慥慥必循其實。

人命能幾何。只在呼吸間。孰爲呼吸。主真性常不迷。

先正格言 卷之六

密居士樊良樞尚默甫輯

座訓

積書以遺子孫。子孫未必能讀。積金以遺子孫。子孫未必能守。不如積陰德於冥之中。子孫保之。可以長久。其一

右司馬溫公語

畱有餘不盡之巧。以還造化。畱有餘不盡之祿。以還朝廷。畱有餘不盡之財。以歸百姓。畱有餘不盡

之福以貽子孫

其二

右四餘箴溫公

脫去凡近以遊高明。勿爲嬰兒之態。而有大人之志。勿爲終身之謀。而有天下之慮。不求人知而求天知。不求同俗而求同理。

右朱文公

毋以嗜慾殺身。毋以喜怒殺人。毋以貨財殺子孫。毋以學術殺天下蒼生。

右先正言

言行擬之古人。則德進。功名付之天命。則心閒。受享慮及疾病。則用儉。報應念及子孫。則事平。

其一

好辯招尤。不如詡默以怡性。廣交延譽。不如索居以自全。厚費多營。不如省身以節用。逞能誨妬。不如韜精以示拙。

其二

右顧東橋座訓二則

與其貪得召辱。不若儉而守廉。與其干請犯義。不若儉而全節。與其侵奪聚讐。不若儉而養福。與其放肆逐慾。不若儉而安性。

右季元衡

靜坐然後知平日之氣浮。守默然後知羣居之言躁。寡慾然後知夙昔之病多。近情然後知己往之。

念刻閉戶。然後知往來之交。濫省事。然後知終日之費閒。

右陳眉公長者言

不輕受人恩。則報塞易。不輕諾人請。則踐約易。不輕與人作緣。則特立易。不輕出頭惹事。則退步易。勿以讐隙而語盡。勿以新交而歡盡。勿以忿嫉于頑而法盡。勿以順風使帆而力盡。

右朱汝兼二則

清福

上帝所吝。而習忙可以銷福。清名

上帝

所忌。而得謗可以銷名。

右長者言

祿餌可以釣天下之貪夫。而不可啖。聲天下之豪傑。名航可以載天下之猥士。而不可陸沈。天下之英賢。

右眉公述南宋陳仲微語

虎以燥敗。龍以靜存。花以上披。根以下全。名不可以多取。行不可以累危。虛以居之。可以待時。

不亂財。手香。不淫色。體香。不誑訟。口香。不嫉害。心香。常奉四香戒。於世得安樂。

右湯若士二則

治國家有二言。曰忙時閒做。閒時忙做。變氣質有

二言。曰生處漸熟。熟處漸生。

其一

後生輩。胸中落意氣二字。則交游定不得力。文士
輩。胸中落騷雅二字。則讀書定不深心。

其二

士君子不可無道心。不可泥道貌。士大夫不可有
世情。不可忽世相。

其三

勸富貴家從寬。勸聰明人從厚。待富貴人。不難有
禮。而難有體。待貧賤人。不嫌無恩。而嫌無禮。

其四

右眉公陳仲醇長者言四則

羅念菴先生警語

一念真正。卽一日真正。一日真正。卽一生真正。無
遠無近。無易無難。得之則一日千年。不得則終身
泯沒。此處分曉。爲壽爲夭。爲榮爲辱。俱有着落。俱
有指証。不似尋常放曠人。指天畫地。弄日月也。其一
此學一眼看破易。逐步密實難。一時奮激易。終身
持守難。口說好話易。無言實行難。少年幾番感愴。
幾番往來。容易向衰老去。可不戒哉。其二

祝年莫如惜時。愛身莫如務學。故知道者。不以事
役形。不以形役心。其視頃刻也。亦若萬古。其一
欲威下。先反身。欲保族。先盡倫。情不可徑。恩不可
狎。無居贏利。則寡怨。無昵私好。則家齊。其二
嗜慾無窮。時命有限。妄得者。侈過多。藏者。蓄憂惟
知施。則富不溢。惟知食。則貧不屈。其三
惠迪必吉。是謂降祥。從吉必凶。是謂降殃。一念之
正。和風慶雲。一念之邪。迅雷烈風。祥與殃也。孰甚。

右文恭公言壁四則

室穢則潔之。身垢則澡之。雜念麤心。俗好熏心。甘言誘心。尤物賊心。未有爲之洗濯者。何也。故識變而後障礙除。識泯而後混沌合。

能以天地萬物爲體。則我大。不以天地萬物爲累。則我貴。夫以天地萬物爲體者。與物爲體。本無體也。常寂常虛。可卷可舒。全體廓如。

右文恭公寐言二則

世道乾枯。于爲我。翻思兼愛近仁。學術晦塞于圓。

通轉疑孤陋近智。

其一

待有餘而後濟人。必無濟人之日。待有暇而後讀。

書。必無讀書之時。

其二

顰頤訥窮。私握牙籌之狀。何似貌言披懷。中藏荊。

棘之險。奚堪。

其三

諱治生而故爲超韻。定是鄙人。厭常態而驕語雅。

交。定是俗士。

其四

右舒礪石自警。前所述其四。今并之。

卮言跋

原夫大道散樸黼黻飾以犧樽小惑易方沈淫
規其蠹測寧知萬物皆種衆竅爲虛感體歸戒
列之藏繫表游無端之紀斯其二與一二即可
言與言齊固日用之所歆醇窮年之所斟酌矣
惟我

密翁夫子學操魁棟道置堯尊持

憲節於酉陽飲義爰於庚月偶因同心之贈演
爲侑座之銘引伸以通連類而合播諸誦習真
比韋弦近在槃盂無煩胥象流華始之天籟斯
咏斯陶契錫極於

皇心是彛是訓遂使留連月露頓成簡括神明追
獻聖之武公雅稱善謔託蔓延之勳矣僅署卮
言然猶聲律身度自課分陰進道勤行坐先拱

壁則又如漱流霞而渥赭引常蒲以和神是以
九里潤彼淇河千仞濯其耳露行妻孥而徵夢
竊施蠻貊而信豚魚士悅醪投人懷德醉踐斯
膏也不倍暢與不肖甫幸藉先靈源同流合風
紫玄賞階及堂升慙王卮之無當戒佩觿之
不甲近緣負笈與窺豹斑安事持盃妄矜蛇足
既得使於

短言

後跋

二

夫子敢忘沐浴此言轉索解於吾徒應在茗芋
阿睹昔

崇禎辛未孟夏小蒲後一日不肖宗門生黃岡
維甫頓首百拜謹跋

密居士危言因予自警而所讀之者也自警則殊寂寥然吾意畫
吾才竭矣危言乃至五卷惟座訓一卷爲述耳約已達生學道經世四者
凡一百廿餘則爲作皆名言也取予自警四則分隸其間毋乃孤寒而兼補
予蓋之生三論著無一宜舉胸臆用拙覆拙伎倆固止此也若夫壯正

英微情婉用古人一語即有一語若天成者供其對待而又巧於承接
究歸醒迷此居士擅爲勝場予致望之而印步者也危言自命孫及習
荒何能肯與才情苞舉濟南明甚壇坫之盟似以執牛耳者讓濟南
極推尊焉有謂其不用智借濟南以自導者也久士結習抑或有之居士
有道者也嘗不遺餘力其心道氣在義爲難文心能令人驕驕則果

道道氣微令人一則則原文亦貴道之文於今日自中州已簡叔付
僅密居士而已矣

崇禎辛未歲重九日書于後之軒